

МУНИЦИПАЛ КЫЛДЫТЭТЪЭСЛЭН ЛИТЕРАТУРАОССЫЛЭН НУНАЛЪЕССЫ

Самсоновъёс дорысь - Надежда Дурова дйне

Виктория КРАМОВА

4-тй декабре пичи пургаос ортчытйзы Пичи Пурга ёросысь литературалъёс арзэ йылпумъянлы сйзем сйё- дано ужрад. Татын ик тодмо луиз: 2020-тй арын Удмуртиысь литературалэн шоркарез Сарапул город луоз.

Буйганы уг малпало

Национальной библиотека- лэн директорез Татьяна Тен- сина верамъя, 3 ар талъёс азь- ло малпан кылдйз: мар тун- сыкозэ лыдзисьлы адзгытоно? Саклык висъяны малпазы шаерысьтым литературалы. «Удмуртиысь муниципал кылдытэтъёслэн литература- осылэн нуналъёссы» проек- тэз Национальной библиотека мытйз 2017-тй арын. Со дыры- сен элькунысьтым литерату- ралэн шоркарез арлы быдэ воштйське. Алнаш ёросысь со кочиз Можга районэ, нош туэ сйлы каризы Пичи Пурга ёро- сысь писательёсты.

Ар чожэ элькунамы радъ- яськизы Пичи Пурга ёросысь потэм писательёсын пумись- конъёс, литературалы сйзем флешмобъёс, кылбур слэмъ- ёс, книгаосын адзгытонъёс. Ар чебер но яркыт ужрадэн йыл- пумъяськиз. Отчы пыриськи- зы та ёросысь гожъяськисъёс, куное вуизы Национальной библиотеказы ужасъёс но Са- рапул городысь культура уды- сысь ужасъёс.

Пичи Пурга ёроslэн йы- рыз Сергей Юрин вазиськиз пичи пургаослы но кунослы.

- Малпаско, пунктэм уж- пумъёсты ар чожэ быдэстйм, Пичи Пурга ёросысь литера- тураез возматаны быгатйм, чаклам ужрадъёсты умой ортчйтйм. Но асьмелы трос тыршоно на, калык мед лыдзиськоз, адямиос доры литература мед вуоз шуыса. Соин оксиско, ёросамы лите- ратуралэн арез таин уз йыл- пумъяськи.

Ужрадын чужъяськизы кылбуръёс, веросъёс, пурга авторъёслэн чуръёсыя гож- тэм кырзанъёс. Кылбуръёс- сёс лыдзйзы Семён Карпов, Оксана Бисар, Анастасия Шу- милиова. Владимир Возняков кылбурчи но бард Виль арлы сйзем кырзан быдэстйз. Лю- бовь Тихоновалэн кылбурезъя гожтэм «Удмурт нылкышно» кырзанэз быдэс зал быдэстйз. Елена Миннигараева проза- ик веросъёсэ лыдзйз. Семён Самсоновлэн «Шур мед бы- зёз» повестысьтыз локетсэ сюлма пырымон лыдзйзы Пу- гачёво каргуртысь культура яртысь ужасъёс Пётр Дени- сов но Гульнара Калимулли- на.



Сйё- дано ужрад дыръя Се- мён Самсонов нимо ёрос пре- миен пусйизы Яган-Докъя гуртысь Анна Ивановна Во- логжанинаез. Та премиез сёто Пичи Пурга ёроslэс дан- зэ жугтысь, калык понна тыр- шись муртъёслы. Анна Ива- новна гуртэзлэс но ёросэз- лэс историзэ уте но эскере, книгаос гожъя, Яган-Докъя- ысь шаертондъя музеем кив- алтэ.

Ужрадын озыы ик жечкылазы Анатолий Ивано- вич Прозоровез. Туэ со Рос- сийсь «Семейная реликвия» премиен пусъёмын вал. Кема аръёс чожэ Анатолий Ива- нович выжыосэ эскере, ту- спуктэмъёсты люка, чыжы- выжыосызлэс улон спорессэ гожтыса кельтэ.

Ужрад йылпумъяськиз Пичи Пурга ёроslы сйзем по- эмаен - «Маленькая поэма о Малой Родине» произведени- зэ быдэстйз Богдан Анфино- генов кылбурчи.

Ар но тырмыт өвёл

Проектлэс пусъёсэ - гожъяськон тылыез но пулэс вёлэм мунёез - сьбразы нуи- зы Сарапулысь кунос: Са- рапул городысь администра- циен кивалтйсьлэн воштйсез Виктор Шестаков, культура но егитъёсын ужан политик- ая управленилэн кивалтйсез Игорь Манылов но Сарапу- лысь библиотекаослэн дирек- торзы Лилия Быкова.

- Милесътым юазы: малы одйг городлы быдэс ар чожэ саклык висъяно кариськиды? Көнъя ар кошкыз Удмуртиысь вань ёросъёсысь литература- осын тодматкыны? Но Са- рапул сокем тунсыко город, одйг ар но уз тырмы ваньзэ

возматаны, солэс вань бамъёсэ лыдзйны, - вераз Татьяна Тензина.

Виктор Шестаков осконзэ вераз: Сарапулысь литерату- ралы сйзем арез ортчтыку- зы, пичи пургаослэс бере уз кыле.

- Шумпотйськом: та про- ектэн сэрен асьмеос но дано гожъяськисъёсмес тодамы ва- ёмы, Сарапулэ вуэм куносты но соосын тодматомы. Горо- дамы туж трос дано муртъёс, кылсярысь, этнограф, шаерчи но священник Николай Бли- нов, нылкышно кавалерист но писатель Надежда Дурова, нылпи писатель Лидия Будо- гская, прозаик Дмитрий Бор- Раменский но мукетъёсыз.

Удмуртиысь литература шор- кар табере луоз Сарапул.

Көнъя ке ар чожэ «Память Са- рапула» проект улсын писате- лъёсмылэс произведениоссэс книгаосын поттаськом, Сара- пуллэн историезлы сйзем из- даниос печатласком.

Со сяна, Сарапулын ин- тьяськемын шаерысьтым пыр- сетйез библиотека. Со усътэмын 1835-тй арын - озы- ен, вуоно арын 185 ар тырмон- зэ пусъёз. Чапак библиотека- рьёс городлэс историзэ угтэ, калыкез писательёсын тодма- то. Нош вуоно арын сарапуль- ёс узыр культуразэс, тунсыко историзэс но чебер литерату- разэс быдэс элкъунмылы воз- матозы. ***

ТЕАТР

Драматурглэн эшез - крезьгурчи

Виктория КРАМОВА

Ижысь Туала драма- тургия но режис- сурая центр но фи- лармония утчало драматургъёсты но композиторъёсты. Соос понна жоген радъяськоз «4'33» ла- боратория.

Көнъя ке толэзэ чожэ драматургъёс но компо- зиторъёс валче ужало- зы. Крезьгурчиослы ма- стер-классъёс ортчы- тоз Москваысь компози- тор Александр Маноцков. Драматургъёсын ужа- лоз Москваысь театро- вед, «Практика» театрын ужась Анна Банасюкевич. Лабораторие пыриськи- сьёс туалла театрен тод- матскозы, крезьгурлэс но кыллэс кусьпсэс валаны тыршоно, крезьгур пыр пöртэм историез мадыны дышетскозы. Со сяна, Ла- бораторие пыриськон пон- на csdr.izh@gmail.com электрон почтае курысь- кон лэзёно. Отчы гожто- но нимдэс-тулдэс, арлыд- дэс, кытын улэмдэс, те- лефон номердэс. Курысь- конъёсты куты 15-тй де- кабрэз. Композиторе ку- рыськиськоды ке, пусъе, дышетскемын-а тй крезь- гуру школаын. Но со чу- рыт курон өвёл, дышет- скымтэ муртэ но лабора- торие кутозы, вань ке со- лэн та удысын ужамез, крезьгур шоры аспöртэм учконзэ. Драматургъёс- лы верано, вань-а соослэн пьеса гожъямыз.

Лабораториын дышет- скон дунтэк луоз. Со радъ- яське Президентлэн гран- тьёсызъя фонд юртгэмен. Гожтэм пьесаосты возма- тыны чаклало вуоно арын февралэ. ***

Реклама

26 декабря 18:30 **Виль арен! с Новым годом!**

Дом народного творчества (ул. Коммунаров, 363)

Министерство культуры Удмуртской Республики
Удмуртский государственный театр фольклорной песни и танца

АЙКАЙ

представляет **Новогодний концерт**

В программе: удмуртские, русские народные песни, танцы, розыгрыши призов. После концерта - игры, танцы.

Справки по тел.: 90-89-53, 78-08-79 www.aikai-folk.com

Билеты в кассах: БЦ «Эльгин», ДК «Аксон», ЦМ «Аксон», ТРК «Столица», ТРК «Петровский», ТРЦ «Сигма», ТЦ «Кит», ТРЦ «Талиман», Гастронюм (ул. Клубная 52)

БИЛЕТЫ ОНЛАЙН **FANLIFE**

ОГРН 1021801667865

АУК УР Театр «Айкай»